



شبهاء العشري - مصر

لا استنى هنا جنبي
وقول كل اللي نفسك فيه
وعلى فى صوتك الراقق
انا عاوزه أرد عليه
وقول انتي وكمان انتي
وأبصر كان وأبصر إيه
وقول مشغولة عن قلبي
بكام حجة وكام قصة
واقولك عيني محتاجه لكam بصنه
وتتخانق
وتتخاصم
وصوتك يعلى مع صوتي
وهعمل إني مقموصة
ونتصالح
ونلضم بكرة بامبارح
يادي الحوسة
ونبدأ تاني حدوتة من الأول
وييجي خصامنا ويطول
واقولك قلبك اتحوّل
أنا حاسه
كتبت معاها عقد الحب أم لسه

تقول مجنونة وبحبك مافيش غيرك

ولا قلبي هيتغير

ولا يغير خطوط سيرك

ده انا القلب اللي عاش ليكي

بيقوى بنظرة ف عنكي

فخلكي هنا ف دمي

يا حزن يساعني ويحني

سني الجاية وألقاني

وانا في حزنك بكون غيري

بكون جواكي شيء تاني

بحبك وانتى مجنونة

في عز الغيرة والفاكي

تلاقي ف دمي مرساكي

يا بنت الإيه خطفتيني

وعهدا لله وحشتيني

في بعدك أو في لفاكي

قصيدة....وحشتيني